



Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

**Naalakkersuisunut Apeqquut:**

1. **Immiaaqqat imeruarsaatillu kulsyremik akullit utertittagaanngitsunik puullit niuertarfinni amerligaluttuinnartut tuniniarneqarnissaat inatsisitigut akuerisaanerluni?**
2. **Naalakkersuisut eqqarsaatigisinnaannginnerlugu imeruarsaatit utertittagaanngitsunik puullit avatangiisinut akitsuusernissaat?**
3. **Imeruarsaatit inuummarinnartutalimmik akullit pisisinnaasut ukiui minnerpaaffilernissaat Naalakkersuisut tapersersinnaanerlugu?**

(Inatsisartuni ilaasortaq Malik Berthelsen, Siumut)

**Tungavilersuut:**

Immiaaqqat imeruarsaatillu kulsyremik akullit puui Namminersorlutik Oqartussat nalunaarutaat nr.16, 28. maj 2002-imeersoq, § 1, malillugu inerteqqutaagaluarpoq immiaaqqat imeruarsaatillu kulsyremik akullit utertitagaanngitsunik puullit tuniniarneqarnissaat. Taamaakkaluartoq ullumikkut pisiniarfinni aatsaat taamak takussaartigilerput imerusarsaatit aalakoornartunik aalakoornartoqanngitsullu utertitagaanngitsunik qillertuusanik puullit. Tamakkua tuniarneqarnissaat ilumut inerteqqutaanngila?

Isumaga malillugu tunginniit akornutissaqartinngilara pisisartut kissaataat aallaavigalugu imeruarsaatinik assigiinngitsunik qinigassaqaarnissaat. Taamaattoqassappalli inatsisit allannortittariaqarput.

Imeruarsaatimmi utertittakkanik pooqartinneqartalerlikuupput avatangiisinut pinngortitamullu illersuinissaq siunertaralugu. Avatangiisinillu illersuiniarnitsinnut naapertuutinngilaq aatsaat taamak amerlatigisunik qillertuusanik puulinnik ullumikkut pisiniarfinni tuniniaasoqalenera. Taamaattumik Naalakkersuisut Avatangiisinut akitsuusersuinissaannut soorluna tulluarnerpaagaluarpoq tamakkua Avatangiisinut akitsuusersorneqarpata?

Paasivarput inuummarinnartulinnik akullit meeqqanik imernejarsimatillutik uummamminnik kassuttoortarlutillu sajukulaartitsisartut. Taamaattoqartarsimanera soorunami toqqissisimanartuunngilaq ingammillu sukkoqangaatsiarneri peqqinnissamut ulorianarlutik. Taamaattumik isumaqarpunga meeqqanik 12-14-it ataallugit ukiulinnit pisiarineqarsinnaanissaat inerteqqutaasariaqartoq.